

VINDAFJORD KONTROLLUTVAL

PROTOKOLL

Tysdag **16. juni 2020** blei det halde møte i Vindafjord kontrollutval under leing av utvalsleiar Kristian H. Ressel.

MØTESTAD: Vindafjord Rådhus, formannskapssalen og Teams

MØTESTART-MØTESLUTT: Kl. 15.00 – kl. 16.00

MØTANDE MEDLEMER: Kristian H. Ressel (BBL), Olaug Mari Øen (Sp), Anne Tone Salte Andersen (H) og Eivind Hetland (Krf),

FORFALL: Knut Severin Berge (Frp) – kort varsel

MØTANDE VARAMEDLEMER: Ingen

FRÅ SEKRETARIATET MØTTE: Utvalssekretær/rådgevar Odd Gunnar Høie, Haugaland Kontrollutvalgssekretariat IKS

FRÅ REVISJONEN MØTTE: Rekneskapsrevisor Else Holst-Larsen – Deloitte AS, på Teams t.o.m. sak 14

FRÅ ADMINISTRASJONEN MØTTE: Ingen

ANDRE SOM MØTTE: Ingen

MERKNADER TIL INNKALLING: Ingen

MERKNADER TIL SAKLISTE: Ingen

FØLGJANDE SAKER BLEI HANDSAMA:

SAK 11/20 GODKJENNING AV PROTOKOLL FRÅ MØTE 27.05.20

Sekretariatet si innstilling:

Protokoll frå kontrollutvalsmøte 27.05.20 blir godkjent slik han ligg føre.

Handsaming i kontrollutvalet 16.06.20:

Utvalet hadde ingen merknadar til protokollen.

Samrøystes vedtak i kontrollutvalet 16.06.20:

Protokoll frå kontrollutvalsmøte 27.05.20 blir godkjent slik han ligg føre.

SAK 12/20 REFERAT- OG ORIENTERINGSSAKER

22. Statusrapport pr. juni 2020
23. Oversikt over kostnadene til kontroll og tilsyn så langt i 2020
24. Innkalling til representantskapsmøte i Haugaland Vekst IKS 12.06.20
25. Medlemsinformasjon mai 2020 – frå FKT

Handsaming i kontrollutvalet 16.06.20:

Leiar orienterte om referatsakene. Utvalet hadde ingen merknader.

Samrøystes vedtak i kontrollutvalet 16.06.20:

Referatsaker 22 – 25 blir tatt til orientering.

SAK 13/20 REGLEMENTET TIL KONTROLLUTVALET – ENDRINGAR ETTER NY KOMMUNELOV

Sekretariatet si innstilling:

Vindafjord kommunestyre vedtek å oppdatere reglementet for Vindafjord kontrollutval som følgje av ny kommunelov. Reglementet blir endra i samsvar med vedlagt reglement (med tillegg/endingar).

Handsaming i kontrollutvalet 16.06.20:

Leiar innleia og gjorde greie for bakgrunnen for saka. Medlemmene uttrykte at dei var nøgd med oppsettet av nytt og gammalt reglement i vedlegg, som gjorde at det var lett å sjå endingane. Utvalet hadde ingen merknader til innhaldet.

Samrøystes vedtak i kontrollutvalet 16.06.20 og innstilling til kommunestyret:

Vindafjord kommunestyre vedtek å oppdatere reglementet for Vindafjord kontrollutval som følgje av ny kommunelov. Reglementet blir endra i samsvar med vedlagt reglement.

SAK 14/20 PLAN FOR ORIENTERINGAR OM RESULTAT-OMRÅDA OG STABSFUNKSJONANE

Sekretariatet si innstilling:

Vindafjord kontrollutval vedtek følgjande plan for orientering om resultatområda og stabsfunksjonane:

Møtet 09.09.20	administrasjonen v/rådmann
Møtet 04.11.20	oppvekst v/kommunalsjef Eide
1. møte 2021	helse og omsorg v/kommunalsjef Gjerdevik
2. møte 2021	økonomiavd. v/økonomisjef Bang
3. møte 2021	personal- og organisasjonssjef v/Dahle
4. møte 2021	samfunnsutviklar v/kommunalsjef Sandvik

Tidsramma vert sett til 30 - 40 min. inkludert spørsmål.

Sekretariatet får fullmakt til å invitere i ei anna rekkefølge enn slik lista over kommunale leiare er sett opp, dersom den inviterte ikkje har høve til å stille i det aktuelle møtet.

Handsaming i kontrollutvalet 16.06.20:

Leiar gjorde greie for saka. Utvalet slutta seg til framlegget og rekkefølga for orienteringane slik det var lagt fram. Medlemmene var samde om å lage nokre felles spørsmål i neste møte, som så vert sendt til kommunalsjefane i forkant av orienteringane. Medlemmene blei også samde om å sende inn spørsmål til sekretariatet før neste møte 09.09.20.

Samrøystes vedtak i kontrollutvalet 16.06.20:

Vindafjord kontrollutval vedtek følgjande plan for orientering om resultatområda og stabsfunksjonane:

<i>Møtet 09.09.20</i>	<i>administrasjonen v/rådmann</i>
<i>Møtet 04.11.20</i>	<i>oppvekst v/kommunalsjef Eide</i>
<i>1. møte 2021</i>	<i>helse og omsorg v/kommunalsjef Gjerdevik</i>
<i>2. møte 2021</i>	<i>økonomiavd. v/økonomisjef Bang</i>
<i>3. møte 2021</i>	<i>personal- og organisasjonssjef v/Dahle</i>
<i>4. møte 2021</i>	<i>samfunnsutviklar v/kommunalsjef Sandvik</i>

Tidsramma vert sett til 30 - 40 min. inkludert spørsmål.

Sekretariatet får fullmakt til å invitere i ei anna rekkefølge enn slik lista over kommunale leiare er sett opp, dersom den inviterte ikkje har høve til å stille i det aktuelle møtet.

SAK 15/20 SAMHANDLINGA MELLOM MEDLEMMENE I UTVALET

Sekretariatet si innstilling:

Vindafjord kontrollutval har drøfta korleis samhandlinga mellom medlemmene i utvalet skal vera. Utvalet har kome fram til følgjande:.....

Handsaming i kontrollutvalet 16.06.20:

Leiar innleia om bakgrunnen for saka. Medlemmene drøfta korleis arbeidet i utvalet skulle organiserast, også mellom møta. Det er berre medlemmene som sit i kommunestyret som har installert politikarportalen. Leiar meinte det burde vera meir informasjon om kontrollutvalet på kommunen si heimsida, og ikkje berre på sekretariatet sine sider.

Sekretær opplyste at kontrollutvalet i Suldal hadde vedtatt retningslinjer for handsaming av innspel til kontrollutvalet. Medlemmene var samde om at det kunne vera nyttig å få meir informasjon om Suldal sine rutinar, og ønskte at sekretæren orienterer om dette i neste møte.

Utvalet blei samd om at alle innspel og spørsmål skulle sendast til leiar i forkant av møta. Leiar vil samordne alle innspel og sende dei vidare til sekretariatet. Sekretariatet vil kontakte rådmannen og be om skriftlege svar eller at rådmannen deltar i neste kontrollutvalsmøtet for å svare munnleg.

Samrøystes vedtak i kontrollutvalet 16.06.20:

Vindafjord kontrollutval har drøfta korleis samhandlinga mellom medlemmene i utvalet skal vera.

Utvalet ønskjer at sekretæren orienterer i neste møte om handsaming av innspel til kontrollutvalet, med døme frå Suldal.

Utvalet var samd om å sende innspel og spørsmål til leiar i forkant av møta. Leiar vil samordne innspela og sende dei til sekretariatet. Sekretariatet vil kontakte rådmannen og be om svar/informasjon.

YMSE

Ingen saker blei meldt eller tatt opp.

Neste møte: onsdag 09.09.20, kl. 15.00

Ølen/Aksdal, 16.06.20

Kristian H. Risset
Kontrollutvalsleiar

Odd Gunnar Høie
Utvalssekretær